

žemė
nuna
LA TAYR
LAND
Āina
makoochay
Dhawun
whenua

maa
askiŷ
TERRA
zemljište
ala
umhlaba

tir
אָר
ahki
地

E'NKAMIGAAK DIBENGAAGZIWINAN MAAMAWI WIINDMAAGEWIN GYE SA MDAASO-BBOON MNAAJTONG ANISHINAABE ZHIGIIZHWEWINAN

AKIING NAWEWINAN

MAANDA E ZHI-GCHI-PIITENDAAGWAK miinwaa e ko zhaamgak E'nkamgaak ooshme aawan piish ndagkenjgaadeg aki ezhnaagwak, onoodin miinwaa mnik bemaadzijig enkamgizwaad omaa. Bimaadzi miinwaa zaagji'ing e'nkamgaak aabiji ditibaabisoon. Nisidotaagozii nawewinan miinwaa aadzwinan dashtoonawaa bebakaan e-waamjigaadeg aki. Mii dash nonda bebakaan nawewinan enji-initaagwak ezhnaagwak zaagji aking endaawaad e-nishnaabemjig.

Enkiitmojig E'nkamgaak dash nanda-gindaanaawaa, nisidotaanaawaa miinwaa aanikinootaanaawaa ezhi-maakaajinaagwak miinwaa ezhi-nanwendaagwak aki miinwaa bemigejig andawaamdawaa wii-nisdotmowaad gkinoomaadwinan etegin nawewining miinwaa nindagkendmaawaad anishinaaben eyaanid omaa akiing miinwaa enkamgaaking nawewinan enjibaamgakin. Anishinaabemowinan bimaadziimgadoon – binjibaamgadoon akiing, waawiindmaagewaad Anishinaabe gaa-zhi-maadseg aki dibaajimowinan, mno-manidookewiwaad miinwaa enso-giizhgak ezhi-bmaadziwaad Anishinaabe

“ *Aapiji go gchi-apiitendaagwadoon gdinwewinaanin
zhiwe sa e-aawiyang, ezhi-nawendiying gaye
gda-kiiminaaning* ”

– Indigenous Languages Commissioner, Ron Ignace

MANIDOO GIIZIS 2022 AAWAN PII GAA-MAAJTAAMGAK NGODWEWAANGIZING MDAASO-BBOON MNAAJTONG ANISHINAABE ZHIGIIZHWEWINAN

Mii dash onji omaa Anishinaabe Zhigiizhwewinan ngo-bboon (2019) UNESCO wiikomaawaan kina akin wii-wiidgo-miigwewaad wii-zhitong mzawe aking dazhiikewin wii-zhaabwitong, wii-aabzhitong miinwaa wii-aasgaabwitong anishinaabe zhigiizhwewinan miziwekamig. E'nkamgaak Dibengaagziwinan maamakaaj zhigaabwiwag dash wii-aasgaabwitwaawaad Anishinaaben ni-niigaanitmowaad neyaab debnagaadeg, aabzhitong, naagdawenjigaadeg miinwaa maskawziitowaad dazhiizhwewiwa epiichi mbinmowaad ezhi-gkenjigaadeg ezhi-gchitwaawiwang miinwaa bebakaanwang Anishinaabemowinan maanda gkinoomaage'aang, sawejimo'aang miinwaa ozhibi'ige'aang.

Enkiitmojig E'nkamgaak – wegdig go eknoomaagozjig, e-ndagkendgik, ekinoomaagejig, ezhbi'igejig, e-ndawaabjig, enkiitmojig anokiwin maa ge inaakonigewaansan maa ge be-baa-maamkaazjig bebaayaajig - nindomaa'aan ndo-gimaamnaaning geget igo wii-waawiindamaagewaad wii-towaad zhaabitowin miinwaa nsadowendmowin zhiwe sa anishinaabe zhigiizhwewining maawnji-niigaan kina gegoo ezhchigeying miinwaa wii-gaanzdamwaad ne'en waawiindmaagewinan.

Mii dash igo, giwaawiindamaagemi sa gdo-nokiitaagewigamgoon getin ji-debtaagoziwaad miinwaa getin mshkowaataagziwaad ezhi-wiikojitowin miinwaa wii-zhichigeying wii-aanji-gnoawaamjigaadeg miinwaa gweyak wii-dbaamjigaadeg bebakaan ezhizhnaagwak nandoogikendmowin, gkinoomaagewin, miinwaa wiikjitung e'nkamgaak zhiibaa'aabing Anishinaabe Zhigiizhwewining gaa-dgobnaawaad bemaadzinjin miziweking zhiwe sa Mdaaso-bboon Mnaajtong Anishinaabe Zhigiizhwewinan. Nwaawiindmaagenaan wii-zhichige'aang sa wi kina, ji gdonmaang e'nkamgaak mashkaw gashkewizwinan wii-zhitowaang e-bi-bgomshkaag Mdaaso-bboon bezhig sa bagosenjigwewin miinwaa gechi-pitendaagwak izhichigewin.



GAA-BIINDGAZHIWEJIG ANOKIWINAN

International Association of Geographers • Association of Nigerian Geographers • Saudi Geographical Society • National Committee for Geographical Science of the Australian Academy of Science • French National Committee of Geography • Vietnam Association of Geographers • Association of Geographers at Germanophone Universities and Research Institutes • Croatian Geographical Society •

Japanese National Committee for the International Geographical Union • Portuguese Association of Geographers • Australian Geographic • Geographical Societies in Germany, Austria and Switzerland • Lithuanian Geographical Society • Canadian Association of Geographers • Centre for Geographical Studies, University of Lisbon • Estonian Geographical Society • Geographical

Society of China • EUROGEO - European Association of Geographers • Israel Geographical Association • Italian Geographical Society • Royal Scottish Geographical Society • Royal Geographical Society • Royal Canadian Geographical Society • Society of South African Geographers • National Geographic Society • Geographical Society of Ireland • Norwegian Geographical Society